



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Breviario Concionatorio, Strenæ, Fidelis Prophetissa Concionibus de B. M. Virgine serviens, Conciones Occurrentes & Funebres

Tylkowski, Wojciech

Oliva, 1686

In festo S. Mariæ Magdalenæ.

[urn:nbn:de:hbz:466:1-51821](https://nbn-resolving.org/urn:nbn:de:hbz:466:1-51821)

In Festo S. Mariæ Magdalenaë.

DUM Sancta ad pedes Christi procubuit, impletum est quod Abac. 3. *Egredietur diabolus ante pedes ejus.* Erant in Sancta septem dæmonia, ista sunt egressa cum audivit: *Dimittuntur ei peccata.* Bern. serm. 6. in Cant. *Ubi peccatum remittitur, ibi procul dubio diabolus ex cor peccatoris ejicitur, sed idem serm. 1. ibid. Si dixerit mihi JESUS dimittuntur tibi peccata tua nisi ego peccare desero, quid proderit?* Hoc utrumque sit nobis in exemplum, & DEI bonitas ostensa peccatrici, & peccatricis pœnitentia.

Dicitur Christus ex Magdalena septem dæmonia eiecisse Greg. hom. 33. *Quid per septem dæmonia nisi universa vitia designantur? quia enim septem diebus omne tempus comprehenditur, recte septenario numero universitas designatur.* Sed nunquid latrocinata, nunquid furata, &c. Solum invenimus quod luxuriæ vacaverit, quomodo hic universa vitia? explicabit hoc nobis S. Cypr. de Singularit. Clericorum. *Omnis inconueniens sodalitas mulierum gluten est delictorum, & viscus toxicatus quo diabolus accupatur.* Cum dæmon ad libidinem perduxit in visco hominem, habet veluti avem, quâ pro suo placito utitur, & in universa vitia inpellit. Inprimis ad hoc inducitur ut vitium in sui formatione adscribat DEO, hinc fucos hinc colores adhibet, Cypr. de habitu Virg. *Dominus dicit Matth. 5. Non potes facere capillum nigrum aut album, & tu ad vincendam Domini tui vocem vis te esse potiorum?* &c. *Malo presagio futurorum capillos jam tibi flammeos auspicias.* Eo tempore mulieres affectabant flavos capillos, Avis pingunt facies, &c. *Non metuis ora quæ talis es, ne cum resurrectionis dies venerit, Artifex tuus te non recognoscat? ad sua præmia & promissa venientem removeat, & excludat, increpans vigore*

vigore

vigore Censoris & Judicis dicat. Opus hoc meum non est, non est imago nostra, &c. *DEUM* videre non poteris, cum oculi tibi non sunt quos *DEUS* fecit, sed quos diabolus infecit? illum tu sectata rutilos atque depictos oculos serpentis imitata es, do inimico tuo compta, cum illo pariter arsura. Jam ulterius inducit luxuria ad quandam idolatriam. Greg. lib. 6. in Reg. 15. cap. 2. *Reprobis* mentibus magnum non est immunda cogitare, sed coram *DEO* peccatum parvum non est in templo *DEI*, hoc est in regenerato spiritu, immunda reponere. In templo fordes aliquas, lupanar collocare quis non putat esse maximum crimen? clamat Paulus. An nescitis quia templum *DEI* estis. Luxuria facit *DEUM* non cognosci. *Osee* 5. ut legit *S. Greg.* Spiritus fornicationis in medio eorum, & Dominum non cognoverunt. Perjuria, caedes, neglectum rerum sacratarum, contemptum Parentum, ut totum Decalogum non excutiam, patet quomodo, luxuria impugnat, sed etiam ipsius corpus quem mulcet invadit & jam ad hoc Ethnici testimonio utar, Seneca epist. 95. *Miraris tot ubique debiles esse: morbi luxuria supplicia sunt.*

Jam ad Sanctae penitentiam, sed quid de ista loquar? *Greg. hom. 33.* Cogitanti mihi de Mariae penitentia, flere magis libet quam dicere. Sed tamen dicendum est, quia idem addit. *Cujus enim vel saxum pectus illa hujus peccatricis lachrymae ad exemplum penitendi non emolliant? consideravit quid fecit, & noluit moderari quid faceret.* Hic videte quid facit in domo Simonis, quid deinde in eremo. Hic simul consideremus, quod licet *DEUS* nulli desit, ut in eadem domo non defuit Phariseo, imo forte plus fecit Phariseo, dum illum ex ore suo convicit, ut dixerit, plus existimo diligit, cui plus dimittitur, ut *Greg. l. c.* factus est, quasi phreneticus funem portans ex quo ligetur. Non est conversus, licet ligatus neque est conversus, propterea. *Unusquisque per se quo debito constringitur, quando illum DEUS expectat, ne conterritus exasperetur.* Subjicit pedibus capillos, sicut victori subjicit victus

victus vexilla, fuerunt capilli arma contra Christum &c. Un-
git modò pedes, unget postea totum corpus. O quæ felicitas
Magdalenæ! Bern. ferm. de divers. affect. Animæ. *Sunt qui-*
dam nolentes peccare, cum jam respicere vellent nisi peccati consuetu-
dine miserabiliter obligati justo DEI iudicio quo in sordibus sunt sordescant
ad huc. Recipit Christus cum omni amore pœnitentem,
nam & Lazarum resuscitatum admisit ad mensam, & ipse facit
quod Isai. 21. præcepit Judæis, ut scilicet redeuntibus è capti-
vitate Babylonica obviam irent cum pane & aqua. Petro qui
se negaverat, jubet specialiter suam resurrectionem annuntiari
de quo Græg. *Vocatur ex nomine ne desperet ex negatione.* Agit fi-
cut cum avicula auceps, quæ è cavea evolavit, Osæ 9. *Epbra-*
im quasi avis evolavit. Laborat ut rursus capiat, si revertatur
non eam castigat. Ezech. 18. *Agite pœnitentiam & non erit vobis*
iniquitas ad ruinam. Non erit peccator sicut merces perditæ in
mari, sed erit sicut domus ex lapidibus facta, quæ si corruerit,
ex iisdem lapidibus rursus reædificabitur. Job. 22. *Si reversus*
fuertis ad Omnipotentem ædificaberis, & longè faciet iniquitatem à ta-
bernaculo tuo, dabitque pro terra silicem, pro hoc ædificio ut sit
stabilius quam antea. Et pro silice torrentes aureos. Sunt aliqui
qui in desperationem labuntur, dum illud Isai. 6. considerant.
Vade & dices populo huic. Audite audientes, & nolite intelligere, &
videte visionem & nolite cognoscere, excæca cor populi hujus, & aures
ejus aggravata, & oculos ejus claude, ne forte videat oculis suis, & auri-
bis suis audiat, & corde suo intelligat, & convertatur, & sanem eum.
Et dixi, usquequò Domine? & dixit. Donec desolentur civitates abs-
que habitatore, & domus sine homine, & terra relinquatur deserta. Sed
audite quid est ista obduratio, quid excæcatio? *Est prava ani-*
mi nostri affectio, quâ quis in malo suo proposito obfirmatus,
DEO præcipienti ut aliquid fiat, aut eidem corripienti parere
non vult. Ex nobis excæcatio, obduratio, & causæ hujus com-
muni-

munitur quatuor ponuntur. Homo non obstans principiis, in peccato permanens, dæmon ad malum instigans, demum ista fieri permittens DEUS, ex his illa excæcatio nascitur. Prov. 18. *Impius cum in profundum peccatorum venerit contemnet.* Ex homine ipsius obcæcatio. Aliqui apud Salazar hunc locum ita legunt *Impius cum in centrum peccatorum venerit contemnet.* Quia res in centro conservatur, quiescit, unitur, sicut lapis si ad centrum terræ deveniret, à centro in nullum latus moveri nisi violentè non posset, ita in peccatore conscientia tumultuatur, jam quiescit, contemnit pœnitentiam, pœnas inferni, inde sequitur conservatio, quædam vana fiducia, & ut Aug. 8. Confess. 5. *Ex voluntate perversa facta est libido, & dum libidini servitur facta est consuetudo, & dum consuetudini non resistitur facta est necessitas.*

In Festo SS. Petri & Pauli.

Multum nobis boni attulit Petrus, multum Paulus, Petrum dicunt ad se Pontifices spectare, Episcopi, Parochi, Religiosi: Paulus est Doctor omnium. Petrus à Domino obtinuit declarationem præmii, quod manet Religiosus. *Ece nos reliquimus omnia, centuplum accipietis.* Obtinuit claves Regni cælorum per confessionem Christi Deitatis. *Tu es Filius DEI vivi: Tibi dabo claves regni cælorum.* Dedit societati nostræ Patriarcham, primum miraculum fecit sanando claudum, ut est in Act. & hoc modo plures ad Christum traxit; sanavit S. P. N. Ignatium pedibus Pampelone læsum, & multos in toto orbe convertit. De Paulo Chrysof. hom. 1. de ejus laud. *Non tres aut quinque urbes, sed orbem universum de diaboli extorsit manu, &c. Et tot propriis mortibus maximam securitatem aliis comparabat, &c. Job domus omni advenienti aperiebatur, Pauli verò anima universo patebat orbi.* Idem hom. 2. de eod. *Paulus Tyrannos ac populos*